



অবিলম্বে প্রকাশের উদ্দেশ্যে: 1/22/2024

গভর্নর ক্যাথি হোকল

গভর্নর হোকল, সংখ্যাগরিষ্ঠ নেতা শুমার এবং নেতা জেফ্রিসের এম্পায়ার স্টেট জুড়ে সুবিধাবঞ্চিত কমিউনিটিগুলোর বাড়িগুলোর শেষ মাইলে ফাইবার এবং উচ্চ-গতির ইন্টারনেট সংযোগ নিয়ে আসতে নিউ ইয়র্কের **CONNECTALL মিউনিসিপাল অবকাঠামো বরাদ্দ কর্মসূচি** চালুকরণে ফেডারেল তহবিল থেকে 228 মিলিয়ন ডলার প্রাপ্তির ঘোষণা

ফেডারেল অর্থায়নে স্টেট বরাদ্দ কর্মসূচি - আমেরিকান রেসকিউ প্ল্যানের কল্যাণে শুমার কর্তৃক জয়ী হওয়ায় সম্ভব হয়েছে - স্টেটব্যাপী আনুমানিক দশ হাজার বাড়িকে সংযুক্ত করতে নতুন ফাইবার নির্মাণের জন্য স্থানীয় সরকার এবং বেসরকারি অংশীদারদের বরাদ্দ প্রদান করবে

গভর্নর 10 মিলিয়ন ডলারের মিউনিসিপাল অবকাঠামো পাইলট প্রকল্প সমাপ্তির ঘোষণা দিয়েছেন যা নর্থ কান্ট্রি এবং সাদার্ন টিয়ার অঞ্চলে 3,000 এরও বেশি বাড়িকে উচ্চ-গতির ইন্টারনেটের সাথে সংযুক্ত করেছে

ConnectALL-এর মাধ্যমে সকল নিউ ইয়র্কবাসীর জন্য সাশ্রয়ী, ন্যায্য ও অ্যাক্সেসযোগ্য ইন্টারনেটে গভর্নর হোকলের 1 বিলিয়ন ডলারের প্রতিশ্রুতির সাথে যোগ হচ্ছে

আবেদনের জন্য অনুরোধ [এখানে](#) পাওয়া যাবে

গভর্নর ক্যাথি হোকল, U.S. সিনেটের সংখ্যাগরিষ্ঠ নেতা চার্লস ই. শুমার এবং হাউস অব রিপ্রেজেন্টেটিভসের ডেমোক্রেটিক লিডার হাকিম জেফ্রিস আজ ঘোষণা করেছেন যে নিউ ইয়র্কের ConnectALL মিউনিসিপাল অবকাঠামো কর্মসূচি চালু করতে এবং স্টেটব্যাপী হাজার হাজার বাড়িকে উচ্চ-গতির ব্রডব্যান্ড ইন্টারনেটে সংযুক্ত করার জন্য নিউ ইয়র্ক স্টেটকে ফেডারেল তহবিল থেকে 228.2 মিলিয়ন ডলার বরাদ্দ দেওয়া হয়েছে। এছাড়াও, গভর্নর হোকল চারটি আপস্টেট কমিউনিটির 3,000 এরও বেশি বাড়িকে উচ্চ-গতির ইন্টারনেটে যুক্তকারী নিউ ইয়র্কের মিউনিসিপাল অবকাঠামো পাইলট প্রকল্পগুলো সম্পন্ন হওয়ার ঘোষণা দিয়েছেন। গভর্নর হোকল এবং সংখ্যাগরিষ্ঠ নেতা শুমারের সকল নিউ ইয়র্কবাসীকে উচ্চ-গতির ইন্টারনেটের সাথে সংযুক্ত করার প্রচেষ্টা, বিশেষত বর্তমানে ব্রডব্যান্ড সেবার আওতাধীন বা আওতা-বহির্ভূত অঞ্চলে এবং স্টেট ব্যাপী নিউ ইয়র্কবাসীদের 21 শতাব্দীর অর্থনীতিতে অংশ নিতে সাহায্য করার প্রচেষ্টার সাথে ঘোষণাটি যোগ হচ্ছে।

“নিউ ইয়র্কের ConnectALL উদ্যোগ স্টেটব্যাপী হাজার হাজার পরিবারকে উচ্চ-গতির ইন্টারনেট সরবরাহ করছে এবং এই রূপান্তরকারী ফেডারেল বিনিয়োগ আমাদের আরো বেশি সংখ্যক নিউ ইয়র্কবাসীকে সংযুক্ত রাখতে আমাদের সাহায্য করবে,” **বলেছেন গভর্নর হোকল**। “সাশ্রয়ী মূল্যের, নির্ভরযোগ্য ব্রডব্যান্ড অ্যাক্সেস নিউ ইয়র্কবাসীদের কর্মঠ রাখে, আমাদের শিক্ষার্থীদের ক্ষমতায়ন করে এবং পরিবারকে গুরুত্বপূর্ণ সুবিধা ও পরিষেবার সাথে সংযুক্ত করে এবং আমি বাইডেন প্রশাসন, সংখ্যাগরিষ্ঠ নেতা শুমার এবং নিউ ইয়র্কের প্রতিনিধিদলকে আমাদের মিশনে অংশীদারিত্বের জন্য ধন্যবাদ জানাই যাতে সকল নিউ ইয়র্কবাসীকে তাদের সাফল্যের জন্য প্রয়োজনীয় সরঞ্জাম দেওয়া যায়।”

সিনেটের সংখ্যাগরিষ্ঠ অংশের নেতা শুমার বলেন, “নিউ ইয়র্ক জুড়ে গ্রামীণ ও সুবিধাবঞ্চিত কমিউনিটির হাজার হাজার বাড়িকে অবশেষে উচ্চ-গতির ইন্টারনেট পেতে সাহায্য করার জন্য ব্রডব্যান্ডের প্রয়োজনীয় প্রান্তিক অবকাঠামো ইনস্টল করতে সাহায্য করার জন্য ফেডারেল তহবিল থেকে 228 মিলিয়ন ডলার আসছে। এভাবে আমরা আপস্টেট NY-তে ডিজিটাল বৈষম্য বন্ধ করতে পারি -- জিপ কোড নির্বিশেষে উচ্চ-গতির ইন্টারনেট স্টেটের কোণে কোণে পৌঁছানো নিশ্চিত করার মাধ্যমে। ব্রডব্যান্ড কোনো বিলাসিতা নয়, এটি একটি প্রয়োজনীয়তা, আমাদের আধুনিক অর্থনীতিতে সাফল্যের জন্য বিদ্যুতের মতো অত্যাবশ্যিক একটি ইউটিলিটি যাতে লোকজন সংযুক্ত থাকতে পারে, স্বাস্থ্যসেবা, চাকরি ও স্কুলে অ্যাক্সেস পেতে পারে। এটি আমেরিকান রেসকিউ প্ল্যান এবং দ্বিপাক্ষিক অবকাঠামো ও চাকরি আইন থেকে ফেডারেল তহবিলের কয়েক শত মিলিয়ন ডলারের মধ্যে সর্বশেষতম যা গ্রাম্যের স্টেটকে ডিজিটাল বৈষম্য বন্ধ করতে জাতিকে নেতৃত্ব দিতে সাহায্য করেছে। সকল নিউ ইয়র্কবাসীর জন্য সাশ্রয়ী মূল্যের ও ন্যায্য উচ্চ-গতির ইন্টারনেট আনতে সাহায্য করার জন্য এই ফেডারেল ডলার পেতে গভর্নর হোকলের সাথে কাজ করতে পেরে আমি গর্বিত।”

ডেমোক্রেটিক নেতা হাকিম জেফ্রিস বলেন, “নিউ ইয়র্ক ও আমেরিকা জুড়ে, অনলাইনে সংযোগ স্থাপন এবং পরিবার, চাকরি, স্কুল ও টেলিমেডিসিনের সাথে যুক্ত হওয়ার ক্ষমতা ছাড়াই অনেক কমিউনিটি রয়েছে। গত কংগ্রেসে, প্রেসিডেন্ট বাইডেনের সাথে কাজ করে, হাউস ডেমোক্রেটরা আমেরিকান রেসকিউ প্ল্যান পাস করেছে, যা অর্থনীতিকে গভীর মন্দা থেকে রক্ষা করেছে এবং জীবন-পরিবর্তনকারী নীতি কার্যকর করেছে। এরপরে ডেমোক্রেটরা দেশব্যাপী প্রতিটি কমিউনিটির উচ্চ-গতির ইন্টারনেটে অ্যাক্সেস নিশ্চিত করতে অবকাঠামোতে বিনিয়োগ ও চাকরি আইন পাস করে এবং ব্রডব্যান্ড অ্যাক্সেস প্রসারিত করতে 65 বিলিয়ন ডলার বিনিয়োগ করে। আমি গভর্নর হোকল, লিডার শুমার এবং নিউ ইয়র্কের কংগ্রেসনাল প্রতিনিধিদলকে প্রত্যেক নিউ ইয়র্কবাসীর জন্য উচ্চ-গতির ইন্টারনেট পৌঁছে দিতে তাদের কাজের জন্য ধন্যবাদ জানাই।”

ট্রেজারির ডেপুটি সেক্রেটারি ওয়ালি অ্যাডেয়িমো বলেন, “মহামারী আমাদের জীবনকে বিপর্যস্ত করে তুলেছে এবং দেশজুড়ে কমিউনিটিতে সাশ্রয়ী মূল্যের এবং নির্ভরযোগ্য উচ্চ-গতির ইন্টারনেট অ্যাক্সেসের ক্ষেত্রে তীব্র বৈষম্যকে উন্মোচিত করেছে। এই তহবিল লাখ লাখ আমেরিকানের জন্য উচ্চ-গতির ইন্টারনেটের অ্যাক্সেস বাড়াতে এবং 21 শতাব্দীর অর্থনীতিতে পুরোপুরি অংশ নিতে এবং প্রতিযোগিতা করতে আরো সুযোগ প্রদানের জন্য বাইডেন-হারিস প্রশাসনের ঐতিহাসিক বিনিয়োগের একটি মূল অংশ।”

আমেরিকান রেসকিউ প্ল্যানের [ক্যাপিটাল প্রজেক্টস ফান্ডের](#) অধীনে মার্কিন ট্রেজারি বিভাগের মাধ্যমে ConnectALL এর মিউনিসিপাল অবকাঠামো কর্মসূচির জন্য তহবিল প্রদান করা হয়েছে - যা মেজরিটি লিডার শুমার জয় করে নিয়েছিলেন। ConnectALL স্টেটব্যাপী হাজার হাজার বাড়ির দোরগোড়ায় নতুন ফাইবার নির্মাণের জন্য সরকারি সংস্থা, স্থানীয় বা উপজাতি সরকার, পৌর ইউটিলিটি, ইউটিলিটি সমবায় এবং তাদের বেসরকারি খাতের অংশীদারদের অনুদান দেবে। পৌর অবকাঠামো কর্মসূচির ব্রডব্যাল্ড অবকাঠামো সরকারি সংস্থার মালিকানাধীন বা সরকারিভাবে নিয়ন্ত্রিত হবে এবং ইন্টারনেট পরিষেবা সরবরাহকারীরা নিউ ইয়র্কবাসীদের সাশ্রয়ী মূল্যের, উচ্চমানের পরিষেবা বিকল্প সরবরাহ করতে নতুন ব্রডব্যাল্ড অবকাঠামো ব্যবহার করবে। আবেদন করার অনুরোধ এখন [ConnectALL ওয়েবসাইটে](#) পাওয়া যাচ্ছে।

রূপান্তরমূলক এই বিনিয়োগ মিউনিসিপাল অবকাঠামো পাইলট প্রকল্পগুলোর সমাপ্তিকে অনুসরণ করেছে, যা সরকারি মালিকানাধীন, উন্মুক্ত অ্যাক্সেস ফাইবার অপটিক নেটওয়ার্কের রূপান্তরমূলক সুবিধা দেখিয়েছে। ওপেন অ্যাক্সেস নেটওয়ার্ক একাধিক পরিষেবা সরবরাহকারীরা ব্যবহার করতে পারে, ভোক্তাদের পছন্দকে সেবা বহির্ভূত অঞ্চলে নিয়ে আসে এবং সরকারি মালিকানার অর্থ ব্রডব্যাল্ড অবকাঠামো এই কমিউনিটির সকল পরিবারের জন্য লভ্য একটি মৌলিক ইউটিলিটি। নিউ ইয়র্ক বিদ্যুৎ কর্তৃপক্ষের নেতৃত্বে পাইলট প্রকল্পগুলো চারটি আপস্টেট কমিউনিটির মিউনিসিপাল ব্রডব্যাল্ড প্রকল্পকে অর্থায়নের জন্য ConnectALL থেকে প্রাথমিক 10 মিলিয়ন ডলার বিনিয়োগ লাভ করেছে -- শেনাঙ্গো কাউন্টির শেরবার্ন গ্রাম, টিগো কাউন্টিতে নিকোলাস টাউন, লুইস কাউন্টিতে ডায়ানা টাউন, এবং সেন্ট লরেন্স কাউন্টিতে পিটকেয়ার্ন টাউন। 2023 সালের ডিসেম্বর পর্যন্ত, চারটি প্রকল্পই সম্পন্ন হয়েছে, যা আঞ্চলিক গড়ের চেয়ে কম দামে 3,000 এরও বেশি পরিবারকে উচ্চ-গতির ইন্টারনেটের সাথে সংযুক্ত করেছে।

সিনেটর কার্স্টেন গিলিব্র্যান্ড বলেন, "শিশুদের জন্য নির্ভরযোগ্য উচ্চ-গতির ইন্টারনেটে সীমিত অ্যাক্সেস থাকার কারণে তাদের বাড়ির কাজ করা কঠিন হয়ে পরে এবং সিনিয়রদের জন্য টেলিহেলথ অ্যাপয়েন্টমেন্ট অ্যাক্সেস করা এবং কর্মীদের জন্য দূরবর্তী কর্মসংস্থানের সুযোগগুলো গ্রহণ করা কঠিন হয়ে উঠে। উচ্চ-গতির ইন্টারনেট আর বিলাসিতা নয় - এটি দৈনন্দিন জীবনের একটি অপরিহার্য জিনিস। এই ফেডারেল বিনিয়োগ নিউ ইয়র্ক জুড়ে এমন কমিউনিটিগুলোতে ব্রডব্যাল্ড নিয়ে আসবে যারা বছরের পর বছর ধরে অ্যাক্সেসের অভাবে রয়েছে এবং নিউ ইয়র্কের পরিবারগুলোর জীবনযাত্রার মান উন্নত করবে। আমি এই নতুন বরাদ্দ কর্মসূচির সৃষ্টি দেখে গর্বিত এবং আমি চিরতরে ডিজিটাল বৈষম্য বন্ধ করতে ফেডারেল রিসোর্সের জন্য লড়াই চালিয়ে যাব।"

রিপ্রেজেন্টেটিভ নিডিয়া এম. ভেলাজকুয়েজ বলেন, "আজ, নিউ ইয়র্কের পরিবারগুলোর জন্য নির্ভরযোগ্য ব্রডব্যাল্ড অ্যাক্সেস অপরিহার্য যারা চাকরি, লেখাপড়া এবং দৈনন্দিন কার্যক্রমের জন্য ইন্টারনেটের উপর নির্ভরশীল। আমেরিকান রেসকিউ প্ল্যানের কারণে সম্ভব হওয়া ফেডারেল তহবিলের এই 228 মিলিয়ন ডলার, যা আমি কংগ্রেসে পাস করতে সাহায্য করতে পেরে গর্বিত, আমাদের স্টেটকে ডিজিটাল বৈষম্য বন্ধ করতে এবং নিউ ইয়র্কবাসীদের জন্য নির্ভরযোগ্য ইন্টারনেট অ্যাক্সেস নিশ্চিত করার পথে একটি বড় পদক্ষেপ নিতে দেবে। আমি নিউ ইয়র্ক জুড়ে আরো ন্যায্য ব্রডব্যাল্ড অবকাঠামো নির্মাণের প্রতিশ্রুতির জন্য গভর্নর হোকলকে এবং এই বিনিয়োগকে সম্ভব করতে সাহায্যকারী সকল নেতাকে ধন্যবাদ জানাই।"

রিপ্রেজেন্টেটিভ ব্রায়ান হিগিন্স বলেন, “নির্ভরযোগ্য, উচ্চগতির ইন্টারনেট অ্যাক্সেস এখন আর বিলাসিতা নয়, এটি একটি প্রয়োজনীয়তা। শিক্ষা এবং দূর থেকে কাজ থেকে শুরু করে স্বাস্থ্যসেবা এবং আরো অনেক ক্ষেত্রে, ব্রডব্যান্ড সবার জন্য একটি গুরুত্বপূর্ণ ইউটিলিটি। দ্বিপাক্ষিক অবকাঠামো আইন অনুযায়ী অর্থায়নের জন্য ধন্যবাদ, গভর্নর হোকল সর্বাধিক ডিজিটাল বৈষম্যের মুখোমুখি হয়ে স্টেটব্যাপী কমিউনিটিগুলোতে ঐতিহাসিক বিনিয়োগ করছেন। সকল বয়সের মানুষের জন্য অ্যাক্সেসের ঘাটতি পূরণ করার জন্য এটি একটি গুরুত্বপূর্ণ পদক্ষেপ।”

রিপ্রেজেন্টেটিভ গ্রেস মেং বলেন, “আমি দীর্ঘদিন ধরে নিউ ইয়র্কবাসীদের জন্য ইন্টারনেট অ্যাক্সেস বাড়ানোর লড়াই করেছি এবং কংগ্রেসে আমি জরুরি সংযোগ তহবিলের জন্য আমেরিকান রেসকিউ প্ল্যানে 7 বিলিয়ন ডলারেরও বেশি সুরক্ষিত করতে সাহায্য করেছি যা আমাদের স্টেট ও দেশের মানুষের জন্য যোগাযোগ আরো বৃদ্ধি করেছে। আমেরিকান রেসকিউ প্ল্যান থেকে এই 228 মিলিয়ন ডলার আরো বেশি নিউ ইয়র্কবাসীকে ইন্টারনেট অ্যাক্সেস করতে সাহায্য করবে, বিশেষ করে সুবিধাবঞ্চিত কমিউনিটিতে, এবং আমি এই তহবিলকে স্বাগত জানাই। যেমনটা আমি বলেছি, প্রত্যেকেরই নির্ভরযোগ্য, সাশ্রয়ী ও উচ্চগতির ব্রডব্যান্ড ব্যবহারের অধিকার রয়েছে এবং আমি নিউ ইয়র্ক ও সারাদেশে ইন্টারনেট অ্যাক্সেসের জন্য আরো বেশি অর্থের জন্য লড়াই চালিয়ে যাব।”

রিপ্রেজেন্টেটিভ অ্যাড্রিয়ানো এসপেইলাট বলেন, “উচ্চ গতির এবং নির্ভরযোগ্য ইন্টারনেট সংযোগের অ্যাক্সেস আমার ডিস্ট্রিক্ট ও নিউ ইয়র্ক স্টেটের আশেপাশে ঝুঁকিতে থাকা কমিউনিটির উপর অসাধারণ প্রভাব ফেলবে, এটি নিশ্চিত করবে যে এই পরিবারগুলো ডিজিটাল বৈষম্যের কারণে পিছনে পড়ে থাকবে না। আমেরিকান রেসকিউ প্ল্যানের মাধ্যমে এই গুরুত্বপূর্ণ ফেডারেল তহবিল সরবরাহে সাহায্য করার জন্য সিনেটর শুমারের সাথে যোগ দিতে পেরে আমি গর্বিত এবং গভর্নরকে সাধুবাদ জানাই। হোকল আমাদের স্টেট জুড়ে হাজার হাজার বাড়িতে ইন্টারনেট পরিষেবা ও অ্যাক্সেস বৃদ্ধির জন্য তার প্রচেষ্টা অব্যাহত রেখেছেন।”

রিপ্রেজেন্টেটিভ জো মোরেল বলেন, “ডিজিটাল বৈষম্য অসামঞ্জস্যপূর্ণভাবে প্রান্তিক কমিউনিটিকে প্রভাবিত করার মাধ্যমে প্রয়োজনীয় সম্পদের অ্যাক্সেস সীমাবদ্ধ করে এবং শেষ পর্যন্ত আর্থ-সামাজিক ব্যবধানকে আরো প্রশস্ত করে। আমাদের ব্রডব্যান্ড অবকাঠামো উন্নয়নে এই বিনিয়োগের মাধ্যমে আমরা সংযোগের মাধ্যমে কর্মসংস্থান ও শিক্ষার বৃহত্তর সুযোগ প্রদান করে আমাদের স্টেটের সুবিধাবঞ্চিত অঞ্চলগুলোর ক্ষমতায়ন করতে পারি। এই ফেডারেল তহবিল সরবরাহের জন্য সিনেটর শুমারের সাথে কাজ করতে পেরে আমি গর্বিত এবং ডিজিটালভাবে সংযুক্ত নিউ ইয়র্ককে আরো অন্তর্ভুক্তিমূলক করার জন্য গভর্নর হোকলের প্রতিশ্রুতির জন্য কৃতজ্ঞ।”

রিপ্রেজেন্টেটিভ রিচি টোরেস বলেন, “উচ্চ-গতির ব্রডব্যান্ড ইন্টারনেটে অ্যাক্সেস এখন আর বিলাসিতা নয়; আমাদের জাতীয় ও বৈশ্বিক অর্থনীতির সাথে তাল মিলিয়ে চলা এবং অংশগ্রহণ করার জন্য আবশ্যিক। এই তহবিল প্রেসিডেন্ট বাইডেনের দ্বিপাক্ষিক অবকাঠামো আইনের দীর্ঘস্থায়ী প্রভাব এবং আমাদের প্রতিশ্রুতি অনুযায়ী অর্থ ব্যয়ের গুরুত্ব তুলে ধরে। দীর্ঘদিন ধরে ব্রহ্মসে আমার কমিউনিটির মতো অনেক কমিউনিটি বিস্মৃত ও অবহেলিত। ইন্টারনেটের সাথে

সংযুক্ত হওয়া একটি গুরুত্বপূর্ণ পদক্ষেপ কারণ আমরা দুর্বল কমিউনিটিগুলোকে উন্নত এবং সবার জন্য সমতাপূর্ণ করতে চাই।”

এম্পায়ার স্টেট ডেভেলপমেন্টের (Empire State Development) প্রেসিডেন্ট, CEO ও কমিশনার হোপ নাইট বলেন, “আমরা একটি অন্তর্ভুক্তিমূলক অর্থনীতির প্রতি প্রতিশ্রুতিবদ্ধ, যা নিউ ইয়র্ক স্টেটে সবার জন্য সমান সুযোগ প্রদান করবে। আমরা এই কর্মসূচিতে আবেদনে উৎসাহিত করি, যা এই বাড়তি ফেডারেল তহবিলের সাথে সাশ্রয়ী মূল্যের ব্রডব্যান্ড অ্যাক্সেসের প্রতিশ্রুতি প্রদান করবে এবং হাজার হাজার সুবিধাবঞ্চিত নিউ ইয়র্কবাসীকে অগ্রাধিকার দেবে।”

নিউ ইয়র্ক পাওয়ার অথরিটির প্রেসিডেন্ট ও CEO জাস্টিন ই. ড্রিসকল বলেন, “পাওয়ার অথরিটি আমাদের ট্রান্সমিশন সিস্টেমকে দ্বৈত উদ্দেশ্যে - পাওয়ার ট্রান্সমিশন এবং ইন্টারনেট অ্যাক্সেসের জন্য ব্যবহার করতে পেরে সম্মানিত। গ্রামীণ এলাকায় ইন্টারনেট অ্যাক্সেস সরবরাহ করা, যেখানে বাণিজ্যিক সরবরাহকারীরা এটিকে অর্থনৈতিকভাবে চ্যালেঞ্জিং বলে মনে করেছিল, আমাদের পক্ষে উপযুক্ত একটি কাজ ছিল। আমরা এমন সমাধান প্রদান করতে পেরে গর্বিত যা নিউ ইয়র্কবাসীদের জীবনকে ইতিবাচকভাবে প্রভাবিত করে। আমরা গুরুত্বপূর্ণ ConnectALL স্টেট উদ্যোগ চালু করতে সহায়তা করতে পেরে এবং নীতি ও সম্ভাব্যতার প্রমাণ দিতে কাঠামোটি তৈরির সুযোগ পেয়ে কৃতজ্ঞ যা এখন এই নতুন ফেডারেল তহবিল দ্বারা সমর্থিত বৃহত্তর, বিস্তৃত ConnectALL প্রচেষ্টাকে সক্ষম করবে।”

গভর্নর হোকলের ConnectALL উদ্যোগ

গভর্নর হোকল স্টেটের ডিজিটাল বৈষম্য বন্ধ করতে, ডিজিটাল অবকাঠামো রূপান্তর করতে এবং সকল নিউ ইয়র্কবাসীর জন্য নির্ভরযোগ্য ও সাশ্রয়ী মূল্যের উচ্চ-গতির ব্রডব্যান্ড ইন্টারনেট পরিষেবা অ্যাক্সেস নিশ্চিত করতে ব্রডব্যান্ড অ্যাক্সেসে নিউ ইয়র্কের বৃহত্তম বিনিয়োগ - 1 বিলিয়ন ডলার ConnectALL উদ্যোগ প্রতিষ্ঠা করেন। আজ পর্যন্ত, ConnectALL ব্রডব্যান্ড অ্যাক্সেসের অগ্রগতির জন্য বেশ কয়েকটি কর্মসূচির সফল প্রবর্তন ও বাস্তবায়ন করেছে, যার মধ্যে রয়েছে:

- **সাশ্রয়ী মূল্যের বাড়িতে সংযোগ কর্মসূচি** বাড়িতে সাশ্রয়ী মূল্যের এবং পাবলিক হাউজিংয়ে নতুন ব্রডব্যান্ড অবকাঠামো নিয়ে আসতে মার্কিন ট্রেজারি ডিপার্টমেন্টের ক্যাপিটাল প্রজেক্ট ফান্ড থেকে 100 মিলিয়ন ডলার ফেডারেল বিনিয়োগ লাভ করে। কর্মসূচিটি বর্তমানে ইন্টারনেট পরিষেবা প্রদানকারীদের থেকে আবেদন গ্রহণ করছে [এখানে](#)।
- **ConnectALL ডিপ্লয়মেন্ট প্রোগ্রামটি** ইন্টারনেট পরিষেবা সরবরাহকারীদের আর্থিক সহায়তা প্রদানের জন্য তৈরি করা হয়েছে, যা বর্তমানে পর্যাপ্ত কভারেজ বা অ্যাক্সেসের অভাব রয়েছে এমন অঞ্চলে তাদের পরিষেবা সম্প্রসারিত করতে সক্ষম করে। এই উদ্যোগটি ব্রডব্যান্ড ইকুইটি, অ্যাক্সেস ও ডিপ্লয়মেন্ট প্রোগ্রামের মাধ্যমে ফেডারেল তহবিলের বরাদ্দকৃত 664.6 মিলিয়ন ডলার ব্যবহার করবে। এর লক্ষ্য ও কৌশলসহ কর্মসূচির বিস্তারিত বিবরণ [ConnectALL ব্রডব্যান্ড স্থাপনের প্রাথমিক প্রস্তাব](#) এবং [পাঁচ বছরের কর্ম পরিকল্পনায়](#) বর্ণিত হয়েছে।

- **ডিজিটাল ইক্যুইটি প্রোগ্রাম** [নিউ ইয়র্ক ডিজিটাল ইক্যুইটি প্ল্যানের](#) বর্ণনা অনুযায়ী ডিজিটাল সাক্ষরতা এবং ইন্টারনেট অভিযোজন ও ব্যবহারের অন্যান্য অ-অবকাঠামোগত বাধা সম্পর্কে সচেতনতা প্রচারের জন্য 50 মিলিয়ন ডলার বিনিয়োগ করছে।

###

আরো সংবাদ এখানে পাওয়া যাবে www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418
গভর্নরের অফিস থেকে আপডেট পেতে সাইন-আপ করুন: ny.gov/signup | NEW YORK লিখে 81336 নম্বরে
টেক্সট পাঠান

[আনসাবস্কাইব করুন](#)